

**Landesbibliothek Oldenburg**

**Digitalisierung von Drucken**

**Sebastiani Castellionis Sacrorum Dialogorum Libri  
Quatuor, Quos Postremo Ipse Recognovit: Argumenta  
Singulis Dialogis Praeposuit, Et Sententias Sublicit ...**

**Châteillon, Sébastien**

**Francofurti, 1761**

**VD18 12886300**

Simon.

**urn:nbn:de:gbv:45:1-18303**

gem, præter Cæsarem. *P.* Nihil ago, video: cedendum est multitudinis libidini. Cedo huc mihi aquam. Hac manuum lotione testatum velo, Iudæi, me in sanguine hujus innocentissimi rei, ab omni noxa abesse: vestra culpa esto. *Jud.*  
*c)* Ejus sanguinem nos, nostrique posteri luunto. *P.* Ergo Barrabam hunc latronem liberum habete: Jesum autem vestro arbitrio in crucem tollendum abducite.

## SENTENTIA.

*Potestas a Deo est. Cæsari malint servire inimici Christi, quam Christo: & latronem liberari, quam insontem. Utinam non eadem fierent hodie!*

S I M O N. Joan. 21.

## ARGUMENTVM.

Jesus in vitam suscitatus, piscantibus suis discipulis appareat. Deinde cum eos prandere jussisset, Petro violentam mortem prædictit.

*Iesus, Discipuli, Joannes, Petrus.*

**H**eus juvenes, numquid edulii habetis? *D.*  
*Nihil.* *Je.* Jacite rete <sup>a)</sup> ad dextram navis partem, & invenietis. *D.* Faciemus. *O* mi-

S 3 racu-

*c)* Nocent posteris peccata parentum. Nam vere etiamnum hodie luunt Iudæi vocis illius temeritatem.

*a)* Dextre, hoc est, feliciter piscantur, qui Christi iussu piscantur.



rāculum! tanta est in nostro reti piscium multitudo, ut trahere non possumus. *Io.* Dominus est. *P.* Ego igitur indusum succingam, & ad eum ad ripam natabo. *D.* At nos navigabimus: neque procul a terra absimus, jam appulimus. Hic est prunæ impositus piscis, & panis. *Je.* Afecte de piscibus, quos modo cepistis. *P.* Attraham rete ad terram. O magnum numerum piscium! *D.* Quot sunt? *P.* Enumerabo. Sunt centum quinquaginta tres. *D.* Mirum est rete non esse ruptum. *J.* Venite pransum. Vescimini hoc pane & pisce. Simon Joannides, diligis me plus quam hi? *D.* Etiam Domine, tu scis ut te amem. *Je.* Pasce agnos meos. Simon Joannides, diligis me? *P.* Etiam Domine, tu scis ut te amem. *Je.* Pasce oves meas: Simon Joannides, diligis me? *P.* Domine, tu omnia scis, tu nosli quam te amem. *Je.* Pasce oves meas: sunul & hoc accipe: cum essemus juvenis, ipse te cingebas, & ibas quo volebas: sed cum seueris, b) aliis te, cum manus extenderis, cinget, & ducet quo noles. Sequere me. *D.* Hic autem quid? *Je.* Si eum volo manere, donec reveniam, quid ad te? tu modo sequere me.

## SENTENTIA.

*Tubente Christo qui pescatur, feliciter pescatur, id quod de hominibus secundum spiritum accipendum est. Qui Christum amat, huic Christus oves committit. Discipuli eadem conditio est, quæ Magistri.*

## LINGVÆ,

b) Viñctus traheris ad supplicium.



## LINGVÆ. Actor. 2.

## ARGUMENTVM.

Quum Christi Discipulos novis linguis loquentes Judæi putarent ebrios esse, Petrus ad eos orationem habens demonstrat, illud esse donum Spiritus Sancti, a Christo in vitam excitato effusi. Hoc audito, illi pœnitentiam agunt, & in Christi nomine lavantur.

*Judæi, Alius, Petrus.*

**N**onne omnes hi, qui loquuntur, Galilæi sunt? *Al.* Sunt: *J.* Ecquid est, quod nostrum quisque vernaculam sibi linguam audiat? Parthi, Medi, Elamitæ, Mesopotamiæ incolæ, & Judææ, & Cappadociæ, Pontique & Asiæ, & Phrygiæ, Pamphiliæ, & Ægypti, & ejus Libiæ partis, quæ est secundum Cyrenen, & peregrinantes Romani, tum Judæi, tum adventitiæ, Cretenesque & Arabes, audimus eos rerum divinarum amplitudinem nostris cujusque linguis eloquentes. Hoc quideam jam non humanum est. Evidem sic obstupesco, ut nesciam, vigilemne, an somniem. Quid hoc rei est? *Al.* Bacchi agitatio est. O Jaeché, patet es eloquentia! *J.* Quid ais? *Al.* a) Vini pleni sunt, mera temulentia est. Unde enim tam multas linguas, tam diversas, tam repente didicis- sent? *P.* Viri Judæi, & Hierosolymæ incolæ omnes, attendite, & mecum quæ dicam recognoscite.

S 4

scite

a) Imo erant ipsimet insanii ebrii, qui putarent, ebrietate disci linguas.

